



第五十册

新鐫古今事物原始全書卷之二十七

明臨安徐炬明夫著

仁和張棧仲明校

麒麟 白澤

周道不興而麒麟獲聖德及遠而白澤來

按禮記毛虫三百六十而麟為之長麋身馬足牛尾  
黃色圓蹄一角角端有肉高一丈二尺合仁抱義行  
步中規拆旋中矩音中鍾呂不履生虫不折生草不  
群居不旅行不犯陷穿不懼網罟中國有聖人出則  
至麟鳳五靈王者之嘉瑞麟為之首白澤獅子也一

名後猊一名虬一名鉄額將軍形似虎正黃色有鬣  
尾端茸毛大於斗銅頭鉄額鈎爪鋸牙珥跪足目如  
電吼如雷能食虎豹為毛虫之長日行五百里生西  
域西國能馴養獅子故有獅子國瑞應圖云黃帝生  
於東海白澤出能言語此賢君德及幽遠而出也我  
朝成化戊戌西夷貢獅凡虎食有毛之物必用舌舐  
毛而食惟獅則舒前足而擊物吹氣一口則毛自落

虎豹 鳳鷄

虎豹之子雖未成文而氣已吞牛鳳凰之雛雖未奮  
翼而色殊凡鳥

虎乃牛哀所化黑章鈎爪鋸牙生倒刺無小腸腎懸  
於腹而畏羆夜視一目放光一目看物食物遇耳即  
止食犬則醉虎之白者為麒黑者為魑青者為羅  
楚人名虎曰於菟為山獸之君故名山君曰金波羅  
曰白額將軍曰嘯風子皆虎之別名胡人謂之巴而  
思豹毛赤黃其文黑而中空猛捷於虎易曰君子豹  
變大人虎變非虎變豹非豹變虎假喻而已

象 龜

象以齒焚而見焚龜以壳靈而見灼  
象之鼻牙俱長三年一乳頭不可俯頸不可回運用

以鼻將死以牙觸石以牙為身害也其口隱於頤一  
身之力皆在鼻遇食以鼻捲之其足有爪無指登山  
涉水甚捷畏鼠入鼻膽不在腹淳化間上苑象斃太  
宗命取膽不獲問徐鉉曰象膽隨四時死在春故知前左足  
得又問其故鉉曰象膽隨四時死在春故知前左足  
象產於交趾白象出西竺弗林大食諸國龜甲垂三  
百六十神龜為之長王者之嘉瑞也爾雅云一神龜  
二靈龜本草云即秦龜也其甲有文似璆瑁而薄能  
鳴其甲可以十三攝龜乃小龜也一名蠓龜一名來  
蛇此龜好食蛇其腹甲曲折能自解張閉四室龜傳

國者所寶五文龜甲有文彩河圖曰靈龜負書出於  
洛丹甲青文六筮龜常在著叢之下七火龜生於火  
猶火山之生火鼠記曰人得名龜財物歸之家必大  
富一曰北斗龜二曰南辰龜三曰五星龜四曰八風  
龜五曰二十八宿龜六曰日月龜七曰九州龜八曰  
玉龜九八名龜各有文在腹下不必滿一尺二寸長  
七八寸者亦可寶也易曰或益之十朋之龜注曰大  
寶也龜之中一行五方勝以應五行左右各四方勝  
以應八節周外左右各一十二方勝以按二十四氣  
通共三十七數以應乾之策三十六而太極居中不

動之一數底板下為地左右各六共十二方勝以應  
十二州分野之數通背上三十七數共計四十九數  
即合太極虛一之數抱朴子云千歲之龜五色具焉  
孟郊詩呼龜曰玄夫史記曰玉靈夫古今注云玄  
衣督郵宣室志云洞玄先生莊子曰清江使者

騶虞 角端

騶虞仁而不害戲於湯時角端立而能言見於  
按騶虞白質黑文貌首虎軀聖王在上則出不踐草  
木食自死之肉其身五彩尾長於身乘之日行千里  
即白虎也河圖括地象曰玉虎也春秋演義圖曰仁

而不害湯時戲於朝格物叢話云角端一角鹿形馬  
尾人立而言好生惡殺解西夷語元太祖至東印度  
國見之日行一萬八千里一富家客常以薄肉款客  
客戲之曰老官的刀剛且鋒阿媽的手輕且鬆切起  
肉兒像捲筒窓前忽起微微風忽然吹入半空中忙  
騎角端追其踪又過巫山十二峯雖俚語亦發一笑

犀 鯨

通天之角戴於犀首明月之珠出於鯨目  
爾雅犀狀如水牛猪頭大腹卑脚三蹄皮黑額上二  
角長鼻上一角短一孔三毛海竹水開故名利涉候

角退埋之人作木角以易再三不易舊處一種二角  
又有一角者名曰山犀犀之美者可以破水駭雞能  
解鴆毒抱朴子曰通天之犀有白理如線盛於水中  
雞見而駭嶺表錄異云犀有二角在額上者名兕犀  
在鼻上者名胡蝟犀牯犀亦有二角其角重七八觔  
者名墮羅犀敬宗時南昌進夜明犀光照百步開元  
中交趾進辟寒犀冬月煖氣襲人按鯨海之大魚也  
本作鱣今作鯨一說雄曰鯨雌曰鯢爾雅云鯨目如  
日月鼓浪成雷吐沫成雨其珠在目大者長數十里

驥

千金之驥追風逐電裕如也使之捉鼠無跛猫之能  
九萬之鵬圖南簸海綽然也使之毆雀無晨風之技  
驥良馬也如周穆王之八龍曰絕地翻羽奔霄越影  
踰輝超光騰霧挾翼漢文帝之九逸曰浮雲赤電絕  
群逸驃紫燕綠離驄龍子驎駒絕塵秦始皇之七馬  
曰追風白兔躡景追電飛翮銅爵晨鳧唐太宗取回  
紇得十駿有皎雪驄飛霞驃翔麟紫奔虹赤之類世  
言馬捉老鼠蓋譏其粗撞不識事體也唐照鄰云命  
寫鳳兮逐雀驅龍驥兮捕鼠馬異詩云將吾劍兮切  
游泥使良驥兮捕老鼠莊子曰騏驎驊騮一日而馳

千里捕鼠不如狸狌言殊技也按莊子逍遙篇鵬也  
海運則將徙於南溟南溟者天池也鵬之徙於南溟  
也水擊三千里搏扶搖而上者九萬里以六月息也  
按晨風鷓也一名鷓孟子曰謂叢鷓雀者鷓也又名  
瞭謂其目明而遠視也爾雅謂之鷓負廣雅謂之籠  
脫齊人謂之題肩莊子曰鷓為鷓鷓為布穀久復為  
鷓夫鷓不能捉鼠鵬不能鷓雀何也猶士君子含章  
韞美達而振綱肅記匡時政以濟蒼生能事也若使  
之為雞鳴為狗盜難之

鹿牛

鹿比其類而環角外向以自防牛衛其犢而環角外  
向以角虎

按鹿性多警善決驟食必分背走必成群居則環角  
外向恐人物之相害也黃山谷曰伊尼虞世南賦云  
華山道士事林云鉅鹿侯按牛有數種蒼色大目曰  
犖牛赤尾豎頭曰領胡赤曰駢黃曰騊白曰犏黑曰  
犖純色曰犧其子曰犢牛羊之齒有下無上故曰戴  
其角者少其齒兩其足者添其翼

蒲牢 號饗饗

蒲牢好音鑄於鍾鈕饗饗好水鑄於橋磯

按九種龍一曰朝風好陰殿角之獸二曰囚牛好音  
樂器之獸三曰蒲牢好鳴鍾鈕之獸四曰睚眦好殺  
刀頭之獸五曰負羸好文碑旁之獸六曰霸下好負  
碑座之獸七曰蚩吻好望殿脊之獸八曰狻猊好坐  
佛座之獸九曰狴犴好訟獄門之獸又一說九種龍  
一曰尾猶好陰屋脊之獸二曰饕餮好水橋下之獸  
三曰蜻蛉好慵門前之獸四曰憲章好囚獄門之獸  
五曰蜥蜴好程刀頭之獸而蒲牢霸下負羸按江東  
賦云蒲牢海獸也聲如鍾性畏鯨鯨躍則鳴故鑄鍾  
作蒲牢形於鍾上所同鐘之則鍾大鳴

羊 狐

羊負臯比見青葛而心悅遇於菟則戰也狐假虎威  
詐百獸而皆走逢韓盧則遁也

按羊有白黑褐三色禮記曰柔毛胡羊曰羴羴小者  
為羔毛長尺餘者為羴羴河東陝西出者曰青羴一  
角一目在耳後者曰羴羊而羔有三德有角而不用  
類好仁執之不鳴類好義飲母乳必跪類知禮諸羊  
之性淫而狠其腸九迴詩云江流曲似九迴腸按臯  
皮虎皮也左傳莊十年齊宋師次於即公子偃自雲  
門竊出蒙臯皮而先犯之大敗宋師按於菟虎也楚

人稱虎曰於菟左傳令尹子文初生棄於夢澤虎乳之楚人謂乳曰穀謂虎曰於菟其姓闔氏名曰闔穀於菟菟者草也杜詩與奴白飯馬青菟楊子曰羊質而虎皮見草而悅見豺則戰按戰國策江乙對宣王曰虎求百獸而食之得狐狐曰天帝令我長百獸今子食我是逆天命也子不以我為信吾為子先行子隨我後觀百獸之見我而敢不走者乎虎以為然遂與之行獸見皆走故曰狐假虎威按韓盧名犬也淳于髡曰韓盧者天下之俊犬也東郭魏者海內之狡兔也犬逐兔勝山者五環山者三兔極於前犬疲於

後曰父見而獲之今齊魏相持恐強秦大楚乘其後而有田父之功也按狗有環爪曰犬長喙曰獫狁曰獨皆田犬也龍犬高四尺曰獒晉人呼為神獒逐虎之犬曰玃地中得犬謂之地狼搜神記謂之烏龍宋人謂之宋玃何遜曰螻蛄杜庭曰吠雲東坡曰烏喙陸機曰黃耳能寄書後犬死葬之名黃耳塚蒙古人呼為內和仲尼畜狗死使子貢埋之曰吾聞弊不棄為埋狗也丘也貧無蓋於其封也亦與之席毋使其首陷焉候鯖錄云滕元發在僧寺脩業烹寺中犬食之僧笑曰先生能作偷狗賦即不申理破題云

僧惟不浮狗也宜偷既欲思於食腹遂乃設於空喉  
餅餌引耒猶擺續貂之尾索絢牽去難回顧兔之眸

巴西侯 孫供奉

居相愛而食相讓巴西侯之仁也朝而三暮而四孫  
供奉之仁乎

巴西侯猿也宣室志云吳郡張鋌行次巴西有人於  
道左出拜曰吾主君奉邀乃巴西侯耳既見飲酒命  
樂將半鋌亦假寐將曉悸而寤見身卧石龕中有一  
巨猿狀如人醉卧於地鋌潛出猿似猴而大或黃或  
黑通臂輕身故善緣能行氣故得壽其類仁讓居相

愛食相讓行有列飲有序有難則內其柔弱者在中  
不踐蔬稼木實未熟則相與謹守既熟嘯呼成群方  
食其臂通肩刺之可以為笛性極畏鼠繫鼠於頸猿  
不敢動王裕仁名曰野賓宣室志曰黑衣郎巴西侯  
曰山公曰林泉逸士曰閑雲處士皆猿之別名按孫  
供奉猴性不仁與猿相反雖群不善滄相噬行無列  
飲無序有難則推其柔弱者以自免好踐蔬稼木實  
未熟則竊食之其性動每至林木皆振響列子曰宋  
有狙公愛畜狙而家匱將限其食曰與若茅朝三而  
暮四衆狙皆怒曰朝四而暮三何如衆狙皆悅

百獸卷十七  
的顛 獬豸

的顛脫檀溪之厄獬豸為南海之殃  
三國志劉備初奔劉表屯樊城左右欲害備覺如  
廁便出所乘之馬走墮襄陽之西檀溪中備急謂的  
顛曰今日急不可不努力一躍三丈得過免難獬豸  
生南海龍瓜似虎而黑迅走食人為民大害堯使羿  
上射十日下殺獬豸長楊賦云秦封豕其士竄竄其  
民竄竄本作獬豸封豕者按左傳有仍氏生女樂正  
后夔娶之生伯封實有豕心貪婪無厭謂之封豕

黔驢 舞馬

穿牛鼻而使之耕絡驢首而使之乘人制之也衣馬  
繡而使之舞戴猴冠而使之戲食教之也

牛釋義見前驢似馬長耳生子曰驢柳文云黔之  
驢有好事者船載之以入市至則無可用放之山下  
虎見之龐然大物也以為神蔽林間窺之稍出近之  
慙々然莫知他日驢一鳴虎大駭以為噬已也甚恐  
然往來視之竟無異能者稍近益押蕩倚衝冒驢不  
勝怒蹄之虎因喜曰技止此耳跳踉大噉其肉而去  
投筆記鼯鼠黔驢技未精此也按明皇雜錄唐玄宗  
教舞馬四百蹄分為左右部俱有名稱曰某家驕其

曲曰傾家樂背衣以錦繡絡以金鐸每樂作奮首鼓尾縱橫應節祿山取數十疋歸范陽及祿山敗後為田承嗣所得不知馬有此技也一日大饗樂作馬聞樂而舞廐人以為妖擊之而斃按樂記云復雜子女注云乃猴戲也言舞者如猴詩云母教孫升木陸機云獼猴也一曰母猴一曰猢猻詩疏云獼獨猴也楚人謂之沐猴古時有沐猴鬪狗之戲少府檀長卿能為沐猴舞唐昭宗時有弄猴者隨班起居賜緋時號孫供奉上聲

豹 羴

豹齒至堅可假佛牙以誑俗羴羊多感可碎金剛而皮幻  
豹齒骨極堅以刀斧鎚鍛鉄皆碎落火亦不能燒詐為佛牙佛骨以誑愚俗惟羴羊角擊之則碎羴羊角出西域諸蠻有兩角者有一角者極佳極多節

象 麝 麈 貊

象以牙觸石麝以瓜出香知為身害也麈以尾辟塵貊以形辟邪皆出性成也

象稱長鼻將軍將死以牙觸石埤雅云麝形似麈性好啖蛇夏時食蛇既多至天寒時香滿即以瓜出香

于屎溺中人若迫逐即投高岩舉爪出香至死猶拱  
四足而保臍按鹿大而色白者為麀出則群鹿隨之  
視塵所往為準其尾善能辟塵唐白居易云麀象鼻  
犀目牛尾虎足南中志云麀大如駟形頗似熊多力  
食鉄廣志云麀色蒼白其皮温煖寢其皮可以辟瘧  
圖其形可以辟邪

橐駝 阿紫

橐駝匈奴之寄畜也知水脉而善行流沙阿紫古先  
之淫婦也為火災而變美女  
按廣志天竺以北出橐駝犬於水牯紫色背有肉鞍

力能負重知水脉識泉源博物志燉煌西度流沙外  
國千餘里無水有伏流處人不能知駝輒不行以足  
踏地掘之得水山海經駝足四節善行流沙負千筋  
日行三百里四夷傳云流沙數百里夏多熱風駝則  
預知有風則鳴驟埋口於流沙中人則以氊擁鼻否  
則危殆矣于闐國有風脚駝日行七百里按阿紫狐  
也形似黃狗鼻尖尾大性多疑今人議事不決謂之  
狐疑名山記云狐者古先之淫婦也其名紫々化而  
為狐汶中記千歲之狐為淫婦百歲之狐為美女說  
文云狐妖獸也善聽水下無水聲然後渡河白虎通

云禹娶塗山氏有九尾白狐之瑞抱朴子曰狐壽八  
百歲能變為人管輅傳有一物如獸手持穴以口吹  
之一書生舉刀斷其腰視之乃狐也曰成陽侯曰田  
叅軍曰玄丘校尉皆狐之別名也

熊 獺

熊死於塩獺斃於酒

熊大於豕而性輕捷山居能緣高樹見人則顛倒投  
地而不行數十里悉有跽蹄之狀冬入穴而藏蟄春  
始出掌為珍味食塩則死左傳云堯殛鯀于禹山其  
神化為黃熊以入於羽淵實為夏郊三代祀之齊偕

記云獺似狐而小青黑色水居食魚月令正月獺祭  
魚謂取魚祭天乃敢自食報本也西戎以獺皮飾毳  
服領袖以其不染塵垢也若灌之以酒則死

羊 豕

江南以東羊白而豕黑江南以西羊黑而豕白

禮記謂羊曰柔毛曰少牢類說云羶根裴曜卿曰髯  
即曰籛率崔豹古今注曰長髯公又曰長鬚主簿黃  
初平叱石成羊故曰白石道人蒙古人曰忽你呼羯  
羊曰一兒哥呼小羊曰忽魯罕按豕豨豚彘皆猪之  
總名也在山曰野猪形類家猪但腹小而脚長色褐

而肉赤三歲膽中有黃其老猪曰狝小猪曰狝野猪  
曰狝祭祀之禮豕曰剛鬣宋人呼老母猪曰艾豨衛  
靈公之夫人南子與宋朝私通衛太子使齊至宋野  
宋人刺而歌之曰既定尔豨猪盍歸吾艾豨其義詳  
詩經豨豨責彭寵書曰伯通自伐以功高天下往時  
遼東有豨生子白頭異而獻之行至河東見群豨皆  
白懷慙而還若以子功論於朝廷則遼東豨也洞微  
志謂猪曰勃賀古今注云烏將軍長喙將軍拱州人  
畜猪致富號猪曰烏金蒙古曰唐無四

麋鹿 河豚

麋鹿無魄道家許食河豚有毒吳儂所珍

麋似鹿而小性多驚道書言麋鹿無魄陶隱居云麋  
鹿無魄非支辰所屬又八卦無主即生死無由故道  
家許聽其麋鹿為脯而食之一名麋詩云野有死麋  
白茅包之有女懷春吉士諺之按河豚之性多怒觸  
之則怒氣滿腹翻浮水上其味雖珍治不如法食則  
殺人惟橄欖及蘆根之汁可解其毒一名鮭其眼能  
閉無膽無腮無鱗其目味極美號西施乳吳人極尚

兔

狡兔三窟僅免死鼯鼠五技而尚窮

埤雅云兔口有缺吐而生子凡咀嚼者皆九竅而胎  
生惟兔雌雄皆八竅雌舐雄尾而孕子從口出生子  
曰媿其狡者名曰兔又其大者前足寸餘後足數尺  
行則後足躍數尺止則朴地謂之蹶兔亦曰蹶蹶

鹿魚

鹿戴玉而角斑魚懷珠而鱗紫

抱朴子曰鹿六十年必懷玉於角下其角有斑痕紫  
點魚之鱗紫者截珠於目

鼠

鼠見人而拱立不識者以為禮而敬也實乃是穿穴

小人蟣見人而橫行不知者以為躁且暴也豈識是  
無腸公子

按鼠有數種在人家者晝伏而夜出總名老鼠冬夏  
水居名曰水鼠居田野間其色黃噬雞鴨名曰黃鼠  
其鼯鼠首似鼠無尾而黑足伏滄海中大者千觔莊  
子曰鼯鼠飲河不過滿腹曆書云田鼠化為鴽者此  
鼠肥而多膏口鼻尖大而黑色常穿地行歲旱則為  
田害郭璞謂之鼯鼠地中行是也南越志云鼯鼠緣  
於木上鼯鼠行於地中有鼯鼠形大如拳豹首而虎  
文有隱鼠赤曾白毛大如牛黔州之鼯鼠狀如蝙蝠

大如鳶其毛紫而黑夜行飛生人見之多以為怪河  
東有大鼠能人立交前足於頸跳舞善鳴西番有土  
撥鼠能穴土為巢形如獺有禮鼠見人則拱而立魏  
後苑有白鼠有火鼠毛長丈許入火不焚可為火浣  
布北方有冰鼠冰厚百尺有鼠在下食冰毛長百尺  
亦可為布曰社君曰家兔曰白衣曰穿窬小人皆鼠  
之別名也抱朴子曰山中無腸公子者蟬也蟬橫行  
詩云但見橫行疑是躁不知公子實無腸

獼

獼避害營曲穴以深藏猴好動至林木而振響

按獼色黃而微黑尾短毛臭而肉羶山陝遼東皆謂  
之狗獼吳越皆呼刁黃善為曲穴而避藏防人害也

獨鼯

獨一鳴而猿散鼯一鳴而驚伏

獨形似猿而大能食猿一叫而猿散鼯似魚有足長  
尾黑鱗畧似蜥蜴長丈餘甲如鎧能橫飛不能上騰  
其聲如鼓其皮堅厚可以冒鼓李白云吹龍笛擊鼯  
鼓又善夜鳴而應更初更一鳴二更最鳴性好睡常  
閉目能吐霧致兩力健而能頽岸其肉十二肖具焉  
驚性畏鼯聽其鳴故伏

麂 貉

虎之所在麂必鳴以告貉之所穴貉必同以居  
麂似鹿而小一名麂旌毛狗足皮可為靴襪大者為  
麂鬻子云麂知虎之所在必鳴貉似狐善睡其頭尖  
銳與貉同穴皮可為裘語云狐貉之厚以居行數十  
步輒睡以物警之乃起既行復睡貉不踰汶

狼 狽

狽倚狼足而行蠅附驥尾而至  
狽乃狼屬無前足附狼而行失狼則不能動漢紀云  
周勃狼狽失據謂此其性貪爭食以養口軀孟子曰

養其一指而失肩背則為狼疾人矣一名滄浪君其  
形似犬銳頭白頰性怯走極善顧其後用糞以燒烽  
火雖風不斜謂之狼煙者此也其鳴諸孔皆涕列子  
曰狼作聲而諸竅皆涕狐若鳴而後竅應之周宣王  
得白狼而夷狄賓伏漢光武與隗囂書云蒼蠅之飛  
不過十步自托於騏驎之尾乃騰千里之路

白老 神女

白老夏至而鼻煖神女七夕而毛脫

按白老貓也唐刺史家七夕月下見七八白衣語曰  
白老將至柰何白衣乃鼠也貓鼻常冷惟夏至氣煖

其眼旦暮睛圓子午一線卯酉正圓辰戌丑未棗核  
尖寅申巳亥銀杏樣按神女鵲也謂之鵲橋者七夕  
歌云神官召集役靈鵲直渡銀河橫作橋七夕毛脫

蝟

蝟遇鵲則仰腹而受啄燕逢塵則落羽而潛形  
蝟狀如鼠而大棘端分兩岐者曰蝟如棘針者曰蛭  
其性極鈍有物少犯則毛刺攢起如矢性極畏鵲能  
制虎其膽耳

獫 廌

獫性仁生相序而死相赴廌性直罪必識而邪必觸

按獫似猿而身青髯頰俱黑性好理髯其皮五色可  
為裊毯人以葉矢射之其偶謂之拔矢因以自刺與  
之俱死按廌一角能觸邪一作豸

風母 吳牛

風母已死得風而復活吳牛畏日見月而猶喘  
風母似猿見人若慚出頸打殺得風還活出劉欣交  
州記吳牛水牛也蒲奮曰臣猶吳牛見月而喘

黃耳 白犢

黃耳附陸機之書白犢免宋人之死  
述異記陸機好獵在吳有豪客獻快犬名黃犬機後

仕洛語犬曰我家絕無書信汝能馳往否犬搖尾作  
聲應之機為書盛以竹筒繫之犬頸犬出驛路走向  
吳饑入草噬肉取飽每經大水輒依渡者掉尾向之  
其人憐愛因呼上船載近岸則騰上速去及到機家  
開筒取書看畢犬又向人作聲如有所求其家作書  
內筒復繫犬頸仍馳還洛後犬死殯之去機家二百  
步呼為黃耳塚陸機宅在府城中南門外有黃  
耳塚在陸機宅村南梅堯臣詩晴雲唳鶴幾千隻隔  
水野梅三四株欲問陸機當日宅而今何處不荒蕪  
宋人有行義者三世黑牛生白犢孔子曰此吉祥也

居一年其父育牛復生白犢其子又有後楚攻宋壯  
丁死者大半惟父子瞽疾皆免

夔 狼

夔皮冒鼓錐輕擊而遠聞狼糞燒烽雖風吹而直上  
夔似牛一足而蒼色無角而聲如雷以皮為鼓聲聞  
三百里狼義釋前

禺 猩猩

禺禺笑而被格猩猩醉而被擒  
禺禺產西南夷似猴人面而赤色其髮極長可為頭  
髮高脚長頸猛而有力宋孝建中主簿常文禮進雌

雄二頭帝曰朕聞萬力負千鈞既力如此何由致  
之土人丁盞曰萬萬見人則執手而笑笑則上脣掩  
其目人以釘釘其額任其奔馳死而取之猩猩能言  
似猿人面聲如小兒一云人面豕身出交趾數百為  
群人以酒併糟設於路側重結草履猩猩視之則知  
張者祖考姓名呼云奴欲張我捨去復自謂曰試共  
嘗之及醉取履著之為人所擒里人索肥者乃自推  
肥者泣而遣之西國取其血染毛蜀刺其血問之與  
我幾許若加鞭箠問之隨所加可得一斗山谷詩云  
愛酒醉竟能言機事淮南子曰猩猩知人姓字此知  
往也醉被人擒不知來也乾鵠知歲多風巢於下枝  
此知來也而不知童子探其卵此不知往

大貍 猛豹

大貍溺能消鐵猛豹舌能舐銅

白樂天題屏上貍像云象鼻犀目牛尾虎足寢其皮  
辟瘟圖其形辟邪溺能消鉄為水猛豹即猎猎也似  
熊而小其黃毛者名曰魍而猛豹形亦似熊而毛光  
澤不黃能舐食銅鉄

兕 蝪音

兕善觸制為罰爵蝪性孝繡飾衮衣

兕野牛也青色一角善抵觸制為罰爵名曰兕觥白  
兕謂之上瑞五代時占城國進水犀按犀似猴鼻孔  
向天尾長過頭白質黑文如遇天雨以尾塞鼻毛温  
而細其性孝一名膺膺爾雅云蝮仰鼻而長尾一  
云出西戎而東海傍皆有之似狐而大尾長皮白毛  
黃三莖共一次或云新羅國之海狗也山海經云蝮  
似猴鼻孔上向尾長四五尺頭有岐蒼黃色兩則懸  
樹以尾塞鼻孔衮衣土之宗彝即虎蝮也取其孝


羊

羊有頭而率群鴈有奴以警夜

羊性淫而狠其出入圈中有一羊為首以率群羊王  
荆公鴈奴詩鳴鴈無定棲隨陽以南北嗟嘆以為奴  
至性能懇惻人將俟其怠奴輒告之急舉群寤而飛  
雖巧無所得夜或以火取奴驚火因匿頻驚莫我捕  
顧謂奴不直嗷嗷身其憂民民衆衆息相隨入罾罾  
豈不聽者惑偷安與受給自古有亡國君看鴈奴篇  
禍福甚明白

旱魃 商羊

旱魃見而亢陽肆酷商羊舞而涸水為災  
神異記云南方有人長二三尺狙身而目在頂上行



P21 以后缺

百器卷十七  
走如風名曰旱魃見則大旱赤地千里見者投之滙  
中乃死而旱灾則消按家語云齊有一足鳥跳躍於  
庭群臣莫識孔子曰此鳥名商羊昔兒童有屈其一  
足而謠曰天將大雨商羊鼓舞而齊有之將有水灾

豺 獍

豺祭獸獍祭魚知報本也獍食父梟食母大不孝乎  
豺狼屬也形似狗而聲亦如狗長尾白頰色黃躰細  
瘦季秋之月以獸祭天亦猶鷹獍之祭鳥祭魚皆知  
報本也按獍似貙而虎眼勇而食父梟大則食母漢  
時冬至斬梟首掛於木上以警不孝故又名掛首午

新鐫古今事物原始全書卷之二十八

明臨安徐炬明夫著  
仁和張橫仲明校

龍 鵠

神龍失水而陸居蝼蟻得以戲之及變化也騰雲路  
而躍天池彌六合而澤萬物焉義鵠附人而羈鞶燕  
雀得以啗之及奮迅也展健翼而溯清風挾脩翎而  
凌灝氣焉

龍陽物也靈變莫測八十一鱗春分登天秋分入淵  
其聰也以角有鱗曰蛟龍有翼曰應龍有角曰虬龍

無角曰螭龍頭有一物如博山名曰尺木龍無尺木不能升天三秦記曰大鯉登龍門化為龍不登者點額李肇國史補曰魚登龍門蛻其骨今人所謂龍骨者疑即此也孫光憲北夢瑣言曰晉人曹寬見一龍闕死取其雙角文如亂錦而藍色楚王對楚王曰神龍朝發崑崙之墟暮宿於孟諸超騰雲漢之表宛轉四瀆之裏夫尺澤之魚豈能料江海之深哉柳文云龍之騰於天淵也彌六合澤萬物而蝦與蛭不雜尺水義鶻詳見羽類夫士懷瑜抱瑾困處蓬衡寧竹月之瀟疎其蕉窻之索寞若訥若愚也而薄夫有獻朝

騰笑者及其遠也篇連月露咳唾琳琅為縉紳所知膺大君之錫命慰蒼生之素望其與沒世無聞人號酒囊飯袋者不可以同日語矣余以龍之況士何殊

鯤魚

北溟之鯨一身而橫千里武陽之魚千頭而重一斤莊子曰北溟有魚其名曰鯨其大不知幾千里也武陽之魚即歐公所言毛魚與鹿角一龠數千百是也

鰲蜃

鰲舉首以戴五山蜃噓氣以成海市許慎說文鰲海中大鰲也列子曰女媧氏斷鰲足以

立四極海東有岱輿員嶠方壺瀛洲蓬萊五山根無  
所連隨波上下帝命策彊使巨鰲十五舉首戴之而  
五山乃峙按蜃似蛇腰下鱗盡逆生雉與蛇交而生  
蜃食燕子一曰狀如螭龍有耳有角髯與背俱紅噓  
氣成樓臺將雨則見望之丹碧隱然如在煙霧中登  
州海中時常雲氣如宮室樓臺人物車馬冠蓋之狀  
謂之海市乃蛟蜃之氣所成瑣言云蜃大蛤也月令  
十月雀入大水為蜃又云雀入水為蛤雉入水為蜃

鯉 雉

唐時鯉號赤鰓同國姓也漢朝雉改山雞避后名字

鯉有黃白赤數種其類甚多大者為鯨鯢小者為鯉  
鯉鯉鱮魴鰠之類唐律取鯉則放之號曰赤鰓公以  
其與國姓同也鯉為魚之王鯉之脊鱗無大小皆三  
十六鱗按陰數也

蛟 鱉

蛟名河伯之健兒鱉稱跛足之從事

蛟龍屬狀似蛇而四足細頭頸上有白嬰大者數圍  
亦卵生虫經云蛟龍水居而卵剖于陵其老蛟名曰  
蠓能害人今蕪湖縣西南七里江中有蠓磯按鱉一  
名甲魚隔津而望卵王十朋賦云鱉稱跛足從士

文鯤 玄駒

文鯤夜飛而觸網玄駒時躍而麗留

文鯤魚生南海大者長尺許翅與尾齊一名飛魚若群飛水上海人候之當有大風吳都賦文鯤夜飛而觸網玄駒鯉也詩小雅云魚麗于留鯉鯉

梅魚 鯧魚

三月來八月去梅魚也端陽出小暑歸鯧魚乎

梅魚色似金狀如石首頭大尾細俗呼梅大頭三月來八月隱于海鯧魚色白帶蒼狀如白扁魚味美大者十數斤常居涪州遂安端午出小暑復歸遂安

鱖魚 鮒魚

鱖魚懼網而不動護其鱗也鮒魚緣木而不墜賴其足乎

鱖魚出富春江中味美在鱗食莫去之若入網中則不動恐傷鱗也鮒魚出蜀中東齋記云蜀有鮒魚性善緣木聲如兒啼孟子曰緣木求魚不得未聞此也

望潮 紅裳

望潮跳於潮面紅裳陷於沙中

望潮色黑無鱗口闊長寸餘潮來鬪潮跳於潮面潮退穴居淤泥紅裳乃人魚也狙異記云查道奉使高

麗見沙中一婦人紅裳髻髮紛亂腋後微有紅髻查道識之命從者扶於水中拜手感戀而沒乃人魚也稽神錄謝仲玉見婦人出沒波中腰以下皆魚也

鮑魚 人膏

沙丘之臭載鮑魚以亂之驪山之塚置人膏以燃之鮑魚似鱸魚而小生海中氣最臭秦始皇崩於沙丘李斯秘不發喪車中載鮑魚以亂其臭按人膏即人魚似鯉而四足其聲如小兒其膏燃燈永不消耗始皇驪山塚中用之今荊州臨清有此魚

寧魚 鱒魚

寧魚清明而骨腐鱒魚八月而脂流寧魚色黃頭大將寸者尾尖無鱗立冬方出至清明身骨俱腐俗呼爛草索鱒魚似鯖魚蛇首白目有胞而肥其脂在目至八月而流出即不見人同八月蘆花蒞水漲時歸海取之甚多

鯢魚 鱣魚

三中鯢魚之刺者死一遭鱣魚之擊者亡

鯢魚其色赤其身扁濶而四方其口尖生於腹下大者尾長三尺尾稍有一骨長二三寸人若被其一刺者急煮魚鳧竹及海獺皮解之可救二刺者困甚中

三刺者死其脂熬油可燃燈其鰓魚鼠尾魚地青魚  
鮪魚邵陽魚並生南海有肉翅尾長二尺刺在尾  
中人中其毒與鯀魚同異物志云潮州惡溪有鱷魚  
齒如刀鋸長二三丈四足如守宮能食人畜管子曰  
鱷以尾擊人畜而就取之一生百卵有為蛟為蛇龜

烏賊 蛤蜊

烏賊遇風波能以其鬚纜蛤蜊候風雨能以其壳飛  
烏賊魚骨厚三四分似小舟輕虛而白有兩鬚如帶  
見風波急則以鬚粘石自纜其性嗜烏佯浮水上烏  
死之謂其已死便啄其腹乃卷取而食之為烏之害

故名烏賊一名烏魷此魚八足絕短白肉黑皮無鱗  
其鬚甚長集足在口縮足在腹形如革囊遇大魚則  
吐墨迴波以衛身遇小魚及蝦過則吐墨涎惹之按  
蛤蜊一名文蛤會稽賦云合氏大者圓三寸小者圓  
五六分其魁蛤正圓而頭空表有文者是蝙蝠所化  
曆書云雉入大水變為蜃乃大蛤也

蠟蛭 水母

蠟蛭腹瓣瓣不歸而蠟蛭敗水母目蝦蝦若驚而水  
母沉

蠟蛭形似蚌腹有小瓣出入其腹若出而不入則蠟

蝓死故一名蠚奴嶺表錄異紀云水母形大如覆帽有足無口無眼腹下有物如絮常有數十蝦食其腹下之涎人捕之即沉乃蝦有見耳

墨魚 彭越

始皇遺筆袋於海上化為墨魚黥布覆彭醢於江中化為彭越

墨魚即烏賊魚始皇遊海上遺筆袋于海中化為此魚一名河伯曰事小吏高帝誅彭越盛其醢徧賜諸候九江王英布覆醢於江化為此物故名彭越

鱸魚 鰕魚 鱮魚 鯪魚 鯢魚

鱸魚美而鰕魚肥鱮魚淡而鯪魚毒

松江四顧之鱸味珍隋煬帝謂之東南佳味巨口細鱗張翰詩云鱸魚正美不歸去鰕魚大口細鱗有斑形張志和詩云桃花流水鰕魚肥鱮魚頭大尾小色黑骨健無鱗口下有白囊甚肥囊內能作蝦蟇聲倍名鱮天頭一名鱮諺曰買魚得鰕不如啖茹鯪魚一名鰕夷有物觸之即噴腹如氣毬白色背有赤道如印江海中俱有毒海中者大毒若食其肝及子入腹爛腸入口爛舌其肉小毒食之不妨

鰕魚 鰕魚

鱖魚無鹽制而肉則成水鱖魚用火藝而脂可燃燈  
鱖魚色白如銀躰圓口濶味鮮長尺餘骨肉俱奕若  
無鹽制之久則成水留骨而已鱖魚色赤頭尖口小  
口在腹下大者二三百斤其尾尖長不滿尺而圓其  
脂可熬油而燃燈方能敵潮故又名鱖水端午水熱  
而寒立秋水冷藏於大海

鮠 魴

諸魚膽苦而鮠膽獨甘諸魚頸長而魴頸獨縮  
陸機云鮠即今之黑鯉也與蛇通氣頭戴星而夜北  
向京東呼為鍾魚爾雅謂之鯉鮠郭璞曰鯉鮠又名

蠶魚又名文魚已上五者皆黑鯉之別名也魴即鱖

魚也細鱗濶腹縮頸赤尾隋煬帝曰江南之縮頸鱖

魚長腰粳米乃金齋王膾諺曰浴鯉伊魴貴於牛羊

梅魚鱖魚黃脊魚鱖魚鱖魚寧魚文鯉魚

海鯉魚石首魚鯉魚鯉魚摩竭魚

魚之無膽者曰梅魚鱖魚黃脊魚之無鱗者曰鱖魚

鱖魚寧魚魚之有翅者曰文鯉海鯉魚之有聲者曰

鱖魚石首魚之長大者曰鯉魚鯉魚摩竭鱖魚魚之

細小者曰吹沙望潮婢魚石魴白小

梅魚見前鱖魚色蒼而鱗細有膠無膽黃脊魚脊黃

而腹白骨細而多腦無膽而味美鱮魚見前鯪魚即  
鮎魚也江東呼鮎曰鯪若赤目赤髯者食之殺人鯪  
鯪二魚無膽者不可食其大首方口背青黑色無鱗  
多涎其類有三背黃腹白者鮎魚也背青口小者鮎  
魚也口腹俱大者鱮魚也形相似而大小不同寧魚  
文鯪俱見前其海鯪似鯪有肉翅能飛上石一名石  
蟪齒如石板其石首魚首中有石初出水時夜視有  
光腹中之膘可以作膠呂向曰魚當無聲言有聲者  
文之悞也正陸夫不解此義耳海中捕石首魚者以  
竹筒聽之其聲如雷魚來候也上林賦云魚鱉鱣

可証鯪魚見前鱣魚背如龍長一二丈鼻上之肉  
可以作脯及鮓今鎮江最多摩竭魚生海中其口可  
以容舟列子曰吞舟之魚其名摩竭其鱗魚大者亦  
重二三百斤其膠伺乾藏之如孕婦難產以燈火燃  
過研末酒吞即產男子咳嗽者服之即愈如神吹沙  
魚色淡黃長寸餘無腸胃頭大口濶尾尖望潮魚見  
前婢魚小魚也倍名飯糶魚一名妾魚其石鮎魚生  
南海中長寸許背裏腹下俱赤南人取以為鮓白小  
俗呼為麵條魚杜詩云白小群分命天然二寸長

牡蠣 樗蒲

蠓房潮來則開虫入則合樗蒲人去則浮蝦驚則沉  
牡蠓生東海池澤附石而生硯礫相連如房故名蠓  
房潮來則諸房皆開小虫入則合之按樗蒲魚一名  
蜡音一名水母生東海大者如床小者如斗無腹胃  
眼目以蝦為目蝦見人而驚蜡則沉矣

鱣鱓魚 鹿角

鱣魚似龍而非鱓鹿角擬鹿而擬龍

顏氏家訓云鱣深灰色而無文諸書多有以鱣作鱓  
誤矣爾雅云鱣長二三丈似龍而口在頷下賈誼賦  
云橫江湖之鱣鯨東坡詩安得萬頃池養此橫海鱣

詩云鱣鮪發發註云鱣魚似龍黃色銳頭口在頷下  
背上腹下皆有甲大者千餘斤而後漢書云鸛雀脚  
三鱣若如此長大脚一不得況於三乎則鱣非鱓益  
明按南海有魚頭有二角如龍梅聖俞詩云海中魚  
角蠹不擬龍乃擬鹿

意怠 海鱣詐候

意怠進退適中可為奔競者戒海鱣牡牝相倚實為  
三目者羞

莊子曰東海有魚名曰意怠進不敢為前退不敢為  
後而人卒不得害之言患大抵生於奔競也按鱣其

狀如車青黑色有二足長五六尺眼如蠙眼生于背  
上口在腹下雌常負雄而行因牝無目牡牝相隨牡  
去牝死雖風濤不解腹中有子如麻南人取以為醬  
在海群行相積於背高尺餘如帆乘風而遊藏伏於  
沙上不能飛躍其壳堅性畏蚊略犯即死日曝復活

海和尚 蚌將軍

海和尚或笑而或泣魚之多少見焉蚌將軍時開而  
時合鷸之生死由之

海和尚蒼色狀如和尚之首有耳目口鼻耳旁有翅  
如人手潮來則浮於潮面以手拍頭或笑或泣其浮

海捕魚者見笑則魚多見泣則魚少而多凶鷸即翠  
鳥也見蚌開則啄之蚌合而啄不得出鷸曰今日不  
放明日不放必為死蚌蚌曰你今日不出明日不出  
必為死鷸而鷸蚌相持漁人見而得之故曰鷸蚌相  
持漁翁得利

海鯢 江鯨

海鯢能溢海為潮若使之舉首戴山則不若巨鰲江  
鯨能吐沫成雨若使之用爪穿麓則不如鯨鯉  
海鱸大者數十里穴居海底入穴則海溢而為潮目  
如閃電髯似朱旗日中忽雨此其噴氣也巨鰲釋前

鯨海中大魚也能吐沫成兩鼓浪成雷目如日月大者長數十里雄曰鯨雌曰鯢本作鱣今作鯨鯨鯉即穿山甲也詳見羽類

黃雉彈塗花浪馬鮫水蛭大貝瑇瑁珠母  
鈿螺魁陸

黃雉之困濠梁亦魚類也而彈塗花浪馬鮫水蛭皆得而群之及其乘桃浪過龍門諸魚方知其神焉大貝未離滄海亦蚌屬也而瑇瑁珠母鈿螺魁陸皆得而伍之及其賂獨夫出姜里天下始知其奇焉  
崔豹古今注云兗州人呼黃鯉為黃雉其彈塗似望

潮而大其色黑間有蒼黃點子無鱗長三四寸口濶而味肥甜稻花開後內有脂膏一片其花浪魚背青而腹白骨健而性剛游則成群遇物則躍其味甚美其馬鮫色白如錫俗名擺錫鮫連頭尖骨爽味甜無鱗小滿至及夏至隱於海中其小者名曰青箭按水蛭有石草泥三種草蛭大者成尺名曰馬蛭一名馬蜚一名馬蝗並能嚙牛馬及人血若入肉中產育最為大害此物難制之死便加火炙如魚子又使煙薰之踰三年得水猶活有四翼者名曰悲翳蛭按貝之大者如輪小者盈尺肉如科斗而有首尾以其替用

故名貝狀如赤電黑雲謂之紫貝能愈諸疾素質黃  
黑謂之珠貝能明人目青地黑文謂之綬貝能消氣  
障黑文黃畫謂之霞貝人服之雖不能長生亦可禦  
害黑白各半名曰浮貝無以近婦人能使人寡黃唇  
點齒兼有駁雜名曰濯貝能使人驚無以近童子黑  
鼻無皮名曰蚩貝能使人瘡赤帶通脊名曰螭貝能  
消胎無以近孕婦其色赤熾壳內有赤絡者名曰惠  
貝能使人忘事青唇赤鼻名曰營貝能使童子愚女  
子淫其白唇而脊上有縷名曰碧貝能使童子盜按  
獨夫紂也六韜曰散宜生以千金求天下之珍惟得

大貝百朋以進獨夫紂免文王美里之難詩云錫我  
百朋注云二貝為朋俗名貳亦名𧈧周用此貝又按  
書傳云大貝如車之渠今雲南用小貝以一為莊四  
莊為手四手為苗五苗為索交易租賦皆用之按瑋  
瑁乃龜類也身如龜首嘴如鸚鵡其甲有斑點斑紋  
大者如盤其甲有三片有一種名曰鼉鱗其形如笠  
四足縵胡無趾其甲有黑珠文彩但薄而色淡有一  
種螭龜甲有文彩亦似瑋瑁而薄皆瑋瑁之屬也按  
珠母即真珠牡生廉州海中乃蚌類也嶺表錄異云  
廉州海島上有大池每歲珠戶剖蚌取珠充貢其池

雖在海上人疑其底與海通然池水又淡不可測也  
按螺有湖海石蓼溪田數種其大者如斗出日南其  
蓼螺味辛如蓼紫色而斑文其鈿螺光彩可用飾鏡  
之背一種形如鳥嘴可以為杯名曰鸚鵡螺其僧家  
用海螺以供法器亦日南海中所產也按甦陸即蚌  
子也一名商鞅盧尚書云瓦隴子今人多用調羹

江豚 瓦雀

照博奕及紡績而昏明不同者江豚之脂也陷人獄  
寵人祿而禍福不同者瓦雀之語也  
江豚即江豚俗名江猪風潮至則出鼻中有声腦上

有孔噴水直上百數為群取其母着水中其子自來  
萬數為群隨母而行海純亦然出沒水上舟人候之  
吹浪則當有風詩云石燕拂雲晴亦雨江豚吹浪夜  
還風其脂熬油照博奕嬉戲則明照讀書紡績則昏  
名曰懶婦油雜俎云一名奔鱗一名濁瓦雀見羽類

射工 颶母

射工巧伺遊人影颶母偏驚旅客船

博物志江南射工虫長一二寸口有弩形以氣射人  
影能殺人一名蠅一名短狐左傳云蠅含沙以射人  
影魯莊公十八年有蠅柳文云射工沙虫含怒竊發

中人形影動成瘡痂其居水中以氣射人者名射工  
居山林水旁之間含沙射人者名沙蟲按嶺表志南  
海秋風起雲物有暈如虹名颼母若見必有大風

海蝦 鹿角

海蝦一隻約三丈而有餘鹿角千百計一龕而不足  
爾雅云海蝦長二三丈鬚長數尺閩中有五色蝦梅  
蝦蘆蝦之類鹿角小魚也歐詩云鹿角一龕數千百

河豚 紆魚

河豚乃吳儂所珍紆魚為閩人所寶  
河豚多怒若觸之則怒翻浮水上其味雖珍治不如

法食之殺人惟橄欖根蘆根之汁可解其毒東坡云  
食之用葵蒿荻筍亦無害焉一名鮭其眼能閉無膽  
腮鱗其目味極美號西施乳按紆魚其子滿腹乃閩  
中之珍味莆田縣有通應祠倍誤呼為通印祠王荆  
公云通印紆魚猶帶骨豈有所稽耶

鮓魚 壳菜

鮓魚多骨休成恨壳菜生毛未足慚  
鮓魚骨細如芒長尺餘濶二三寸味清香而色白古  
云鮓魚多骨是也倍呼為尖鮓壳菜生海中內有毛  
形狀不典然大補入調羹味鮮美一名東海夫人

鯽 龜

六和金鯽今何在洛水神龜昔所傳

宋時錢塘江邊六和寺有二池金鯽杜詩庖霜膾鮮  
鯽浙王炊香粳又云鮮鯽銀絲膾又云網聚粘圓鯽  
絲繁煮細葍伏羲時神龜負書出於洛水

馬刀 黃蛤

馬刀不識休呼蚌黃蛤未知莫道蛭

馬刀一名馬蛤生江海中長六七寸肉似蚌今人多  
不識之似今之蚌蛭而蚌蛭亦謂之蚌京師謂之蚌  
岸河中呼為蚌蛭大抵蛤蜊蜆皆相類也又一種名

游波極類海蛤其黃蛤壳色俱黃細小而長狀如小  
蚌人欲覓之鋤于泥塗之中得之其味極美不能  
得勤慈二縣無此不款上賓

龜脂 鮫皮

龜脂可以燃鉄鮫皮堪以飾刀

龜似鱉而大濶一二丈者有之其肉負十二生肖其  
脂得火可以燃鉄卵如鷄子一產三百鮫魚生南海  
無脚有尾其形似鱉一名沙魚山海經云沙魚之皮  
可以飾劍今人用此以裝刀鞘



